

印光大师 | 唯持名一法，摄机最普，下手最易，不致或起魔事

印光大师 地藏占察入净土 2020-04-12



念佛一法，约有四种。所谓持名、观像、观想、实相。就四法中，**唯持名一法，摄机最普，下手最易，不致或起魔事。**

如欲作观，必须熟读观经。深知是心作佛，是心是佛，及心净佛现，境非外来。唯心所现，不生取著。既不取著，则境益深妙，心益精一。能如是，则观想之益，殊非小小。如观境不熟，理路不清。以躁妄心，急欲境现。此则全体是妄，与佛与心，皆不相应，即伏魔胎。因兹妄欲见境，心益躁妄，必致惹起多生怨家，现作境界。既最初因地不真，何能知其魔业所现。遂大生欢喜，情不自安。则魔即附体，丧心病狂。纵令活佛现身救度，亦末如之何矣。须自量根性，勿唯图高胜，以致求益反损也。

善导和尚云，末法众生，神识飞扬，心粗境细，观难成就。是以大圣悲怜，特劝专持名号。以称名易故，相续即生。诚恐或有不善用心，致入魔境也。宜自详审。又志诚恳切，亦消除躁妄魔境之一妙法也。宜竭尽心力以行之，则幸甚。

□ □ □

节选自《印光法师文钞》

•增广文钞上册卷一

結緣  從這裏開始 ▶



更多精彩内容请关注

『须摩提世界观光』

